

3º CONCURSO DE TRABALLOS FIN DE GRAO ARREDOR DA EDUCACIÓN SOCIAL

tfg.eduso

O Ceesg convoca o 3º CONCURSO DE TRABALLOS FIN DE GRAO ARREDOR DA EDUCACIÓN SOCIAL, que levará o nome de "tfg.eduso" para recoñecer a calidade dos traballos realizados desde as aulas.

A devandita convocatoria consiste nun concurso anual de **traballos fin de grao realizados por estudantes de Educación Social** das universidades galegas, premiándose aqueles que afonden nunha área de estudo ou intervención claramente vinculada á Educación Social e que promovan os catro piares básicos nos que se asenta o ideario do Colexio: compromiso coa profesión, xustiza social, perspectiva de xénero e lingua galega.

1. Sobre os traballos a presentar.

Só poderán presentarse ao concurso os TFG matriculados nas universidades galegas ou nalgún centro da UNED en Galicia no **curso académico 2014/2015**, redactados **en galego** e que obtivesen una cualificación igual ou superior a **8,5**.

2. Modalidades.

Establécense dúas modalidades:

- **Educación Social Escondida:** para aqueles TFG que traten novos ámbitos de proxección profesional ou metodoloxías novidosas e inclusivas.
- **Educación Social Estendida:** poderán presentarse nesta modalidade aqueles TFG que investiguen acerca dos ámbitos e temáticas tradicionais da Educación Social.

3. Forma de presentación e envío.

Presentaranse por separado:

- **Datos persoais** (Anexo I).
- **Declaración xurada** (Anexo II) que acredite a propiedade intelectual da persoa autora, que o TFG foi defendido no curso académico anterior, así como a cualificación outorgada, que deberá ser igual ou superior a 8,5. A titora ou titor acreditará dita condición.
- **Xustificación da modalidade escollida** (Anexo III).
- **Traballo**: respectará a guía para a elaboración dos TFG da Universidade na que se defendeu, no que se refire ao tipo de traballo, estrutura e formato (extensión, tipo de letra, marxes...).
- **Anexos do traballo**: poderán incluírse no documento do traballo ou enviarse por separado, debidamente numerados, nun arquivo winzip ou similar.

O traballo e os anexos deste non poderán conter datos persoais identificativos da persoa autora do traballo, nin do titor/a (nome, apelidos, DNI, teléfono, enderezo, etc), nin da Universidade onde o presentou, o que pode ser motivo de descalificación.

Os traballos terán que ser enviados en **formato electrónico** editable (.doc ou .odt), de forma que permita a posterior adaptación para a súa publicación, a ceesg@ceesg.org, co asunto **“Concurso tfg.eduso 2015”**.

4. Prazo de presentación.

O prazo de presentación será desde o día 22 de xaneiro 2015 ata o 22 de xaneiro de 2016 ambos inclusive.

Confirmarase por correo-e a recepción do traballo, establecéndose un prazo de 3 días, a contar desde o día seguinte á confirmación, para subsanar posibles erros na forma de presentación detectados pola Secretaría Técnica.

5. Tribunal.

O tribunal estará formado por 5 persoas, tanto do ámbito universitario como do Ceesg. Desde a Secretaría Técnica do Ceesg enviaranse ao tribunal os TFG presentados sen datos identificativos da autoría, da titora ou titor e da Universidade, para manter o anonimato.

6. Criterios de Selección.

Para a selección dos proxectos gañadores, o Ceesg establece os seguintes criterios e sistema de votación do tribunal:

CRITERIOS

1. *Claridade*: Corrección lingüística; Uso dunha terminoloxía apropiada ao ámbito disciplinar e profesional; uso dunha linguaxe non sexista; calidade da redacción e capacidade argumentativa; utilización de fontes bibliográficas axeitadas, diversificadas, actualizadas e ben identificadas; calidade da presentación.
2. *Diálogo entre teoría-práctica*. Calidade da reflexión e argumentación teórica desde o marco da Pedagogía-Educación Social; coherencia interna teórico-práctica; profundidade.
3. *Pertinencia e impacto social*. Innovación; creatividade; viabilidade; incorporación de metodoloxías inclusivas promotoras da participación e autonomía das persoas, grupos ou comunidades e de maiores cotas xustiza social.
4. *Adecuación á modalidade escollida*. Pertinencia do traballo en relación á modalidade atendéndose á argumentación presentada no Anexo II.
5. *Desenvolvemento das funcións e competencias profesionais*. Descrición de elementos que axuden a visibilizar o perfil profesional en relación ao ámbito escollido e seguindo os documentos profesionalizadores (funcións, competencias, deontoloxía e ética), ou incidan na mellora da formación académica.
6. *Metodoloxía*: Rigor metodolóxico na abordaxe da temática obxecto de estudo. Fundamentación teórica e uso adecuado de métodos e técnicas de investigación, cuantitativos ou cualitativos, no caso de estudos con base empírica

Son un total de 5 criterios, aos que se lles dará a seguinte ponderación:

criterio 1= 1,5 ptos sobre 10
 criterio 2= 1,5 ptos sobre 10
 criterio 3= 2,5 ptos sobre 10
 criterio 4= 0,5 ptos sobre 10
 criterio 5= 2,5 ptos sobre 10
 criterio 6= 1,5 ptos sobre 10
 TOTAL: 10 ptos.

VOTACIÓN

Valorarase individualmente cada traballo polos membros do tribunal, consensuando a puntuación acadada en cada criterio.

Só poderán ser premiados aqueles traballos que computen en todos os criterios e que acaden unha puntuación mínima de 8,5 na suma dos mesmos.

En caso de empate, atenderase á nota acadada na Universidade.

O concurso pode quedar deserto.

O tribunal emitirá acta que incluíra a puntuación de todos os traballos.

7. Premio.

Seleccionarase un TFG por modalidade.

- a. **Modalidade ES Escondida**
- b. **Modalidade ES Estendida**

Adxudícase o seguinte premio para cada unha das modalidades:

- **publicación do traballo en formato físico (CD ou libro) ou electrónico (web institucional).**
- **cota de alta no Ceesg (de ser o caso) e primeira cota semestral gratuíta.**

Os TFG non premiados son susceptibles de publicación, sempre e cando cumpran cuns mínimos de calidade e relevancia.

Os TFG premiados nesta convocatoria serán presentados con motivo da celebración do Día Mundial da Educación Social de 2016.

O Ceesg resérvase o dereito de manexo e publicación da información recompilada nos distintos TFG presentados ao concurso, recoñecendo a autoría dos mesmos.

Quen se presenta a este concurso, acepta as bases que aquí se recollen.

Para máis info: Tfno. 981 55 22 06 ou ceesg@ceesg.org

Santiago de Compostela, abril de 2015

3º CONCURSO DE TRABALLOS FIN DE GRAO ARREDOR DA EDUCACIÓN SOCIAL

ANEXO I. DATOS PERSOAIS

Nome e apelidos:

Correo-e:

Teléfono de contacto:

Título do traballo presentado:

ANEXO II. DECLARACIÓN XURADA E PRESENTACIÓN DO TFG

Eu _____, con DNI _____, enderezo en _____ e teléfono _____ a efectos de notificacións, sendo a miña titora-titor _____,

DECLARO,

baixo a miña responsabilidade que o TFG que leva por título _____ e presento a este concurso de “tfg.eduso” é da miña autoría, sendo froito da investigación realizada durante o curso académico _____, na Universidade de _____.

Que foi presentado e defendido con data _____, levando unha cualificación final de _____¹.

E para que conste, asino a presente declaración en _____, a ____ de _____ de 201__.

Asdo.

Asdo.

A persoa interesada

A titora-titor

Os datos facilitados pasarán a formar parte dun ficheiro declarado ante a Axencia Española de Protección de Datos, que ten como finalidade a xestión dos servizos ofrecidos ás/aos colexiadas/os. Ao subscribir este formulario, vostede consinte o tratamento destes datos coa finalidade mencionada. Estes datos son veraces e exactos debendo comunicar calquera modificación dos mesmos ao Responsable do Ficheiro. Pode exercer os dereitos de acceso, oposición rectificación e cancelación mediante carta e adxuntando a fotocopia do DNI ao seguinte enderezo: Colexio de Educadoras e Educadores Sociais de Galicia, Rúa Lisboa, 20 – baixo C - 15707, Santiago de Compostela, A Coruña.

¹ Esta nota ten que ser igual ou superior a 8,5.

ANEXO III. XUSTIFICACIÓN DA MODALIDADE ESCOLLIDA

Título do traballo:

Modalidade escollida:

- Educación social escondida
- Educación social estendida

Xustificación: